

建昌縣志卷之二

建置志

城池 衙舍 學校 壇廟 公署 倉獄

坊巷 驛舍 祠宇 書院 臺閣

敘曰建之爲邑在唐爲繁於宋爲上元升爲州非若一旅之區之可以樊圃而理馬隊而學瓶儲而飽隸廛而館野墾而祭者若城廡若鬻宮若倉廩若驛舍若壇廟皆有民社之責者之所有事也而烏容但己卽今瘡痍未復之秋然而壞者葺之弊

建昌縣志

卷之一

建置

一

者新之良以肇永利於制定之餘弭後艱於承平之日所當權利害之重輕以暫勞而永逸者豈曰新廡宇飾厨傳侈營繕云乎志建置

城池

縣舊無城池明正德十三年知府陳霖建議於都御史孫發公帑知縣方鐸先爲四門次以上築城嘉靖十一年壬子倭亂當事者以緩急議攻守辛酉都御史胡崧下令申飭四封城縣之無城者時同知楊侃署縣事奉檄以石築城爲門四爲

臺三十六爲水門二耳門一南北延袤丈三百餘
東西倍之費出於官一民以義助者十倍之顧
於官一民之輸力者亦十倍之工訖於明季壬戌
兵部尙書南昌張鏊爲之記明季寇警知縣喻琦
慶增修

國朝累年補築屹然鞏固

門七

東曰朝宗 西曰仰止 南曰在川

北曰拱辰 小南門曰金帶 水門曰僂民

建昌縣志

卷之二

建置

二

衙舍

縣設於仰止門內城西隅宋嘉定中知縣趙時通
建落成丹菌生柱礎扁堂曰瑞芝元燬於兵明洪
武三季知縣倪恭建正廳幕廳譙樓八年知縣梁
崧建東西司庫吏廨永樂二年知縣張文建後堂
架閣榜亭弘治十七年知縣李如圭重建正廳
國朝順治六年燬康熙三年癸卯知縣馬驊建正廳
幕廳後堂又於署東構亭遠以荷池時西北劇盜
平扁亭曰洗氛

御碑亭

正廳

幕廳三所

東在西

正堂內衙二所

後堂

縣門

土地祠

架閣庫

承發司六房

迎賓館

儀仗庫

申明旌善亭

儀門三間

譙樓三間

崇積庫堂東西

各一

學校

儒學舊在仰止門外宋崇寧間建於隆道觀側紹興間縣丞曾熹徙於縣治傍慶元二年知縣許錫遷仰止門外至元二年知州孫輔臣重修明洪武

建昌縣志

卷之一

建置

三

五季知縣倪恭重建正統景泰間知縣潘彞增修成化六年知縣羅獻重建殿廡門廊塑諸賢像十八年知縣鄭惟桓重修弘治間副使邵寶知府劉定昌重建齋堂號舍及書籍祭器二庫翰林編修張元禎記正德十六年巡按唐公龍頒示蔡宗克朱子教規說朱子教規父子有親君臣有義夫婦有別長幼有序朋友有信右五教之目博學之審問之慎思之明辨之篤行之右為學之序言忠信行篤敬懲忿窒慾遷善改過右修身之要正其誼

不謀其利明其道不計其功右處身之要己所不欲勿施於人行有不得反求諸己右接物之要其說曰朱子教規欲使學者易見故條列以示人爾合而言之博學者學此五倫也審問者問此五倫也慎思者思此五倫也明辨者辨此五倫也篤行者行此五倫也言此五倫而務實言忠信也行此五倫而克謹行篤敬也處此五倫而氣有不平忿也意有所私慾也處無所差善也處有所差過也正義不謀其利明道不計其功卽懲忿窒慾之事

不欲勿施於人不得反求諸己卽遷善改過之事非五倫之外而別有接處非出博學五者之外而別有其功也然合五者而總其要則又不出此心而已故隨事而用其心則曰博學有問而專其心則曰審問卽事而研諸心則曰慎思心昭昭而密察則曰明辨心存存而不已則曰篤行遇父子而此心惻怛曰親遇君臣而此心敬畏曰義遇夫婦而此心不狎曰別遇長幼而此心克讓曰序遇朋友而此心不欺曰信忿心之猛也慾心之私善

心之得也過心之失也正誼不謀其利明道不計其功心之忠也不欲勿施于人不得反求諸己心之恕也故孟子曰學問之道無他求其放心而已矣張子曰心統性情朱子曰自古聖賢皆以心地爲本皆謂此也今人但知朱子之條列不知朱子之統會往往泛求諸事而不內求於心夫泛求諸事則多岐亂是日見其煩擾而支離矣內求於心則一本上達日見其平易而切實矣故今細繹前規發明此義雖未敢謂能白朱子之至教庶幾

不蔽天下之正途諸君其與我共由之哉萬曆三十年知縣孫公光裕視學示諸生朱文公教養課試之議古學校選舉之法始於鄉黨達於國都教之以德行道藝而興其賢者能者蓋居之者無異處官之者無異路取之者無異術故士有定志而無外慕蚤夜孜孜惟懼乎德業之不修夫子所謂言寡尤行寡悔祿在其中孟子所謂修天爵而人爵從之者也今學校所教既不本於德行而所謂藝者又皆無用之空言其又弊則所爲空言者

無稽而適以敗壞學者之心術治經者不復
讀經之本文與先儒之傳註但取近年科舉中選
之文諷誦摹倣轉相祖述以治經爲經學之賊以
作文爲文字之祆是以人才日衰風俗日下朝廷
羈國有一疑事嘗試則公卿大夫官人百吏相顧
貽愕而不知所從亦可以知其爲教之得失矣議
者不原本其所自尚猶以程試文字之不工爲大
患豈不謬哉天啓辛酉知縣羅尙忠遷儒學於修

江橋北

建昌縣志

卷之一

建置

六

文廟康熙五年傾頽知縣馬驊訓導周曰鼎重修
兩廡

戟門康熙五年訓導周曰鼎同生員艾金城呂大章重修

鄉賢祠

戟門東

名宦祠

戟門西

十四年知縣李道泰

重建戟門
并修兩祠

櫺星門康熙十一年知縣李道泰重修

啓聖祠康熙十一年知縣李道泰重修

明倫堂

宰牲房

膳堂

教諭廨宇 訓導廨宇

日新齋 時習齋

東西號房

會饌厨房

興賢毓秀二坊

愛蓮桂影二亭

射圃

建昌縣志

卷之一

建置

七

射圃舊在儀門東長八十五步濶二十五步繚以周垣自宋元相因無改明興洪武間令生徃每日講罷習射朔望試演有司與學官一體習射八年四月改制用上旬三日下旬三日二十五年重定習射儀式每月朔望以提調正官主射永樂三年知縣張文奉詔例重建射圃申明舊制習射儀式觀德亭一座三間在射圃北永樂十三年知縣林槐建正統十一年知縣潘彞重修

附祭儀

明洪武十五年始詔天下儒學通祀孔子 奠
儀二十六年頒大成樂器於天下府學令州縣如
式製造永樂八年正文廟聖賢繪像塑衣冠令合
古制正統元年刊定從祀名爵位次頒行天下二
年祭祀孔子於釋老宮嘉靖九季釐正祀典始為
木主題曰至聖先師孔子神位改大成殿為先師
廟殿門為廟門四配稱復聖宗聖述聖亞聖十哲
以下皆稱先賢左丘明以下皆稱先儒籩豆樂舞
之數皆更定焉

祭期

周禮凡始立學必釋奠于先聖先師漢唐宋因
之洪武元年御製祭文以通贊舍人張漢英齋

香一炷銀十兩往曲阜買牛酒致祭迺詔天下
通祀皆以春秋二仲上丁祭之其時用仲以四

時之正其日用丁
取陰火文明之象

禮器

宋真宗賜曲阜廟銀器八百兩元銅之器六百
八十六竹木之器三百八十四陶之器三

為之差大畧皆王儀也器
以瓷朴而雅或以銅範

祝板

以木為之用白紙寫祝
文貼板上祭畢焚之

登

用薦大羹
用薦和羹

簠

用薦黍稷
用盛稻梁

籩

用薦果脯之類
用薦菹醢之類

豆

俎 用薦牲體

爵 酒器三足前俯後仰上

勺 司罇者用以挹酒注之于爵

雲雷罇 盛酒器也

象罇 用貯亞獻酒

犧罇 皆用貯終獻酒近制三獻皆用貯雲雷罇象犧皆虛

冪 以絳帛方幅為之用以覆罇

筐 以竹為之用盛幣帛

盥盆 範金為之

并架 盛水盥手

帨巾 以白布為之獻官盥手用

祭物 歷代分數有差明加籩豆十二

苜 正全配一分四

豕 正全配一分四分五兩哲各一分五分五東廡一分四分五十四西

建昌縣志

卷之一

建置

九

廡 五十一分

鹿 一

兔 十

活鯉魚 一

黍 實四十三簠

稷 實四十二簠

稻 實一簋

形鹽 實四十三籩

藁魚 實五籩

棗 實四十三籩

栗 實四十三籩

榛 實一籩

菱 實五籩

芡 實一籩

鹿脯 實四十三籩

白餅 實一籩

黑餅 實一籩

餌 實一籩

粉糝 實一籩

韭菹 實一豆

醯醢 實一豆

菁菹 實四十三豆

鹿醢 實四十三豆

芹菹 實四十三豆

兔醢 實四十三豆

笋菹 實五豆

魚醢 實五豆

食 以豆小磁一盞印

豚胎 實一豆

糖食 在豆小磁一盞印 脾肝 以羊肚為之

廟庭三獻守令主之東西哲

執事 通贊二祭物二

鹽洗濯二坎二 鹽宰二

建昌縣志

卷之一

建置

十

正日獻官倍祭官執事廳或別室齋

省牲

正祭前一獻日午後執事者所贊香案于宰牲房外

香案前入宰牲房之毛血少許盛于盤

陳設

正壇 十鹿羊豕各一登一 鉶二 籩豆各

爵三籩一于壇東南西

四配位 羊一豕一爵三 鉶各二 籩豆各八

十哲位 東五壇 每位豕一 鉶五分五 籩豆四 籩一

西五壇 陳設同

東廡五十 籩三十 共爵一十三 壇每壇共豕三 籩四 一籩

簋一 酒盞四
西廡五十二位共十三壇陳設同

儀注

正祭日 將行禮 遍燃庭燎香燭 鼓初嚴 執事者俱服 鼓

再獻 獻官詣各壇省閱祭品 鼓三嚴 引贊引各官至戟門下候立 通贊

唱樂舞生就位執事者各司其事陪祭官分獻

官各就位 贊引 獻官就位 贊退立 座毛血 執事者各捧 毛

血盤正壇由中門四配東西哲由左右門出兩廡隨之座于坎遂啓苴蓋通贊唱 迎神

奏樂樂止 贊 鞠躬四拜 陪祭官同 行初獻禮奏樂 通贊

詣盥洗所 詣酒罇所司罇者舉罍酌酒

建昌縣志

卷之一

建置

十一

執帛者奉帛 贊引 正獻官詣至聖先師神位前跪

捧帛者跪進帛正獻官奠帛 執事者受奠于神案上

獻爵 執事者受奠于神案帛南 俯伏興平身 贊唱 讀祝樂

暫止獻官跪衆官皆跪讀祝讀畢 贊唱 俯伏興平

身 贊唱 詣復聖公前跪 執事者跪獻 奠帛

獻爵 俯伏興平身 宗聖述聖亞聖皆同贊唱 行分獻

禮奏樂 各引贊引分獻官 詣盥洗所 詣酒罇所

執帛者奉帛 同前 詣東哲西哲東廡西廡神前 儀俱

同引各獻官復位 行亞獻終獻禮 儀俱 奏樂樂止 贊唱

福受胙

執事者取正壇羊左肩置于盤進胙者捧之進酒者捧爵注酒

詣飲福

位正獻官跪

飲福酒受胙

俯伏興平

身復位鞠躬拜興拜興平身奏樂徹饌樂止

贊唱

送神奏樂鞠躬四拜興平身贊唱讀祝者捧祝進

帛者捧帛各詣瘞所

祝及正壇帛由中門出配哲帛由左右門出兩廡帛

隨行望座贊引引各官至座所

焚瘞訖樂止禮畢

退

祝文

維 年 月 日 具官 致祭於 至聖先

師 曰惟 師德配 天地道冠古今刪述六

建昌縣志

卷之一

建置

十一

經垂憲萬世謹以牲帛醴齊粢盛庶品祗奉舊

章式陳明薦以 復聖顏子宗聖曾子述聖子

思子亞聖孟子配尚享

樂章

迎神

大哉 至聖道德尊崇維持王化斯民是宗典

祀有常精純益隆神其來格於昭聖容

奠帛

自生民來誰底其盛惟師神明度越前聖粢帛

具陳禮容斯稱黍稷非馨惟神之聽

初獻

大哉聖師實天生德作樂以崇時祀無斃清酤
惟馨嘉牲孔碩薦修神明庶幾昭格

亞獻終獻

百王宗師生民物軌瞻之洋洋神其寧止酌彼
金罍惟清且旨登獻於三於嘻成禮

徹饌

犧象在前豆籩在列以享以薦既芬既潔禮成

建昌縣志

卷之一

建置

十三

樂脩人禴神悅祭則受福率遵無越

送神

有嚴學宮四方來宗恪恭祀事威儀雍雍歆格
惟馨神馭還復明禋斯畢咸膺百福

啓聖祠祭儀

明嘉靖九季令兩京國子監并天下學校各建
啓聖公祠中祀叔梁紇題稱啓聖公孔氏之位
以顏無繇曾點孔鯉孟孫氏配俱稱先賢某氏
之位程珦朱松蔡元定從祀俱稱先儒某氏之

位每歲仲春秋上丁日行禮

陳設

正位

羊一 豕一 籩三 豆各八 簋各一

東配

豕一 爵三 帛一 籩三 豆各一

西配

同

東西從祀

同

正祭是日三更贊引正獻官至盥洗所贊執事

者各司其事就位迎神四拜兩廡分行初獻禮

正獻官由廟左門入詣神位前獻爵

建昌縣志

卷之一

建置

十四

讀祝跪讀祝俯伏興平身兩廡分行詣先賢

顏氏神位前獻帛獻爵詣曾孔孟孫氏神位前

儀並同前兩廡分行復位贊行亞獻禮終獻禮儀同初獻贊

徹饌訖唱送神四拜兩廡分行執事者捧祝帛

饌各詣瘞位唱墜瘞瘞訖禮畢

祝文

維年月日具官致祭于啓聖公

孔氏曰惟公誕生至聖為萬世王者之師功

德顯著茲因仲春秋敬行祀禮以先賢顏氏

先賢曾氏 先賢孔氏 先賢孟孫氏配尙享
凡祭噐禮物樂舞洪武四年更定各置高案
籩豆簠簋登鉶悉用瓷噐牲用熟樂舞生擇
在學子弟預教習之 正統三年令祭丁品
物非其土產者鹿以羊代榛棗以所產果品
代嘉靖九年令南京國子監祭用十籩十豆
天下府州縣學八籩八豆樂舞各止六佾

社學

敘曰善教貴乎蚤豫美俗同于閭閻故易正蒙

建昌縣志

卷之一

建置

十五

養禮設鄉師家有塾黨有序夫然後聲教所訖
比屋而可封矣志社學

明洪武八年詔有司立社學延師儒以教民間
子弟其經斷有過之人不許爲師 正統元年
令提學官及司府州縣官嚴督社學不許廢弛
其有俊秀向學者許補儒學生員 弘治十七
年令府州縣修理社學訪保明師民間幼童年
十五以下者送入讀書講習冠婚喪祭之禮

翔鸞社學

在儒學傍

安樂社學 在拱辰門內

新招社學 在分司右以上俱坊市

鄉社學凡五十三所 今廢無考

學使李公齡社學記皇上嗣位初元慮天下不得
眞才之用特建憲臣慎簡賢良提督學政行之既
久致有成蹟景泰中以言者革去其職學校漸弛
天順六年仍復其制又勅天下羶邑每鄉每里咸
建社學選擇儒碩以教民間子弟甚盛典也齡以
菲才叨承重寄巡歷所至卽命有司首舉其事所

屬官僚罔不秉公協力綜理其役而建昌縣知縣
建社學凡若干所庶民小子莫不翕然就學迺命
工礪石請記其事于學宮粵稽唐虞三代人生八
歲入小學教以幼儀十三學樂誦詩十五入大學
教以誠意正心之道修己治人之術有詩以感發
其善心有禮以約束其筋骸有樂以涵養其性情
故自幼及長非僻之心無自而入而賦予之良得
以恒存而不喪伊川所謂古人生子自能食能言
而教之若爲之不豫及乎稍長私意偏好生于內

衆口辨言鑠于外欲其純完不可得也降自漢唐
學政不修士之所學不過專事訓詁爲文辭以徼
利達而已而古人之良法美意蕩然欲人之成材
而風俗之淳美也不亦難乎我朝龍興稽古爲治
列聖纘緒丕揚休烈教已至矣化以行矣而皇上
猶惓惓特立社學以爲大學張本使天下之人自
童稚之時無不受學以養其良心旣成童拔其秀
而實者育之大學以造就之濟濟青衿樂乎清時
棫樸之化者莫不遵正學迪正道出而奮庸于時

必能弼亮天工翼宣盛美行見文教之敷洽於覆
載絃誦之聲徧于閭里而今之學卽古之學今之
人卽古之人唐虞三代之美復見于今日矣固宜
被之金石昭示永久後之繼治者尙當欽承而毋
忽

學使李公夢陽社學碑記社學者社立一學以教
民之子以養其蒙乃其師不曰子養蒙者也顧月
徵其課金鷄米酒食民之子或苦而不來則輒稟
諸官句攝而鞭笞之民見其師非惟不養也而

苦其子曰是役我也則潛賄其胥吏而脫其子賄者脫貧者萃其師必饑餓謝之去官者則顧謂人曰甚哉社學之於治乖也茲說行則民志愈惑相煽以成俗至莫可救解正統間旣設提學之官又詔天下縣里設一學以教累朝相因八十餘年而天下之社學卒不興成化初提學僉事潮州李公力爲此刻石冀墜然未聞繼其後者也夫先其近則遠可屆舉乎大則細易力規畫詳則循之可久余今俾先立社學于省城以爲十二府之壘十二

府各立其社學以爲其州縣壘州縣又各自立于城市爲諸鄉都壘諸鄉都學則先大鄉都以及其小此亦遠近細大之義也余謂其官曰學精選教讀一如例復其身待之誠禮勿令徵課金鷄米酒食而苦民之子勿使民以是爲役而潛脫之也教讀不才者黜之才者吾將舉而用于時又謂之曰自今非社學生其勿入其州縣府學又設門子一給其薪水或增屋以處其家室於乎其亦詳已如此而猶有所不行其非予辜哉

推官錢公啓忠頒示王陽明先生訓蒙大意古之
教者教以人倫後世記誦詞章之習起而先王之
教亡今教童子惟當以孝弟忠信禮義廉恥爲專
務其栽培涵養之方則宜誘之歌詩以發其志意
導之習禮以肅其威儀諷之讀書以開其知覺蓋
童子之情樂嬉遊而憚拘簡如草木之始萌芽舒
暢之則條達摧撓之則衰痿固其理也故凡誘之
歌詩者非但發其志意而已亦所以洩其跳號呼
嘯于詠歌宣其幽抑結滯于音節也導之習禮者

非但肅其威儀而已亦所以周旋揖讓而動蕩其
血脈拜起屈伸而固束其筋骸也諷之讀書者非
但開其知覺而已亦所以沈潛友復而存其心抑
揚諷誦以宣其志也凡此皆所以順導其志意調
理其性情潛消其鄙各默化其麤頑日使之漸于
禮儀而不苦其難入于中和而不知其故是蓋先
王立教之微意也若近世之訓蒙釋者日惟督以
句讀課做責其簡束而不知導之以禮求其聰明
而不知養之以善鞭撻繩縛若待拘囚彼視學舍

如囹獄而不肯入視師長如寇佐而不欲見規
掩覆以逐其嬉遊設詐飾詭以肆其頑鄙偷薄庸
劣日趨下流是蓋驅之于惡而求其爲善也何可
得乎凡吾所以教其意實在于此恐時俗不察視
以爲迂爾其務體吾意毋因時俗之言改廢其繩
墨則其于蒙養爲已悉矣

邑人熊德陽曰方言雖異不離五音音本乎聲肇
自血氣是故君子出辭審氣言無輕脫抗喉矯舌
攢唇激齒皎然可分也然而率爾沿俗則大方爲

笑矣今如土音于式軌切之水虛呂切之許呼委
切之毀率槩之乎敷尾切之匪須兌切之歲息據
切之絮率槩之乎思計切之細休居切之虛呼
切之輝率槩之乎芳微切之飛乃對切之內魚
切之遇率槩之乎倪噐切之藝其餘若鴻之云逢
予之云爲出之云赤拙之云哲然作能說作設外
作艾退作替之類不可縷縷而數大抵宮羽不全
四聲易舛談言吃而諧里耳承傳誤而謾詩書蓋
童幼而然矣爲教讀者誠當考正于 獄後

舛傳譌而誣水土也

附鄉飲酒禮

明洪武初詔中書省詳定鄉飲酒禮條式使民歲時燕會習禮讀律期于申明朝廷之法敢敘長幼之節遂為定制云洪武五年定府州縣每歲孟春望日孟冬朔日有司率士大夫之老者行于學校其民間里社以百家為一會里長主之年最長為正賓餘以齒序每季行之讀律令戒諭書

建席 官備一如古制六十者三豆七十者四豆八十者五豆九十者六豆

建昌縣志

卷之一

建置

二十一

位次

前一日司正率執事者習禮陳設坐次于儒學主位于東南大賓位于西北介以次賓為之位或以西南貳官為之位又東北為之位于大賓稍後凡僚屬于東左眾位于西右司正以學官為之位于東右隅設律案于堂之正中

戒飾

鄉飲之設所以尊高年尚德興禮讓敢有誼譁失禮者許揚解者以禮責之其或因致爭會眾罪之席

儀注

主席及僚屬司正詣學以次肅賓僕介揖讓以入執事擊鼓唱升堂執事鋪席賓主交拜興拜興平身僕介見亦如之唱主賓以下各就席坐贊唱揚解引司正詣堂北面立唱損司正揖主賓僕皆報揖執事者以酒授司正正揖主賓僕皆報揖執事者以酒授司正司正舉觶曰恭惟朝廷率由舊章敷崇禮教行鄉飲非為飲酒凡我長幼各相勸勉為臣盡忠為子盡孝長幼有序兄弟各相勸勉為臣盡

鄉里毋或廢墜以忝所生讀畢贊唱司皆	飲畢以解授贊贊唱揖司正揖主賓俱	唱司正復位皆坐贊唱讀律誥引讀律誥	詣律誥案北面立唱主賓以下皆立俱	遂展讀律誥讀畢揖復位皆坐贊供饌案唱	斟酒獻賓主起受爵北面置贊席兩拜賓	蒼拜酬酒賓起受爵置饌席前主復位	唱賓酬酒賓起受爵置饌席前主復位	賓僕拜主蒼復位介三賓衆以下皆行禮贊僚屬居東賓	於席唱飲酒堂上鼓一通歌童立階下北面斟酒	鹿鳴之什唱供湯畢饌畢酒三行或	五行湯三品三歌鹿鳴飲酒畢贊徹饌案	畢鋪席唱主賓以下皆行禮贊僚屬居東賓	介三賓衆居西贊兩拜禮畢贊謝恩引	東北設香案行謝恩禮唱主送賓至庠門外	唱排班齊主賓東西相揖平身禮畢退
------------------	-----------------	------------------	-----------------	-------------------	------------------	-----------------	-----------------	------------------------	---------------------	----------------	------------------	-------------------	-----------------	-------------------	-----------------

儒學書籍

建昌縣志

卷之一

建置

二十二

孝順事實 左傳屬事 通鑑綱目 四書或問

陸宣公奏議版一副 二百四十一片俱見舊志今無存

附學產

學田原嘉靖四十三季通判梁典申詳新城鄉民欺隱田地山塘五十三畝零又郭朝六贖罪贓田二十二畝零俱付學管業後改付縣 見舊志

放生池在桃花潭起至喚渡亭止長河一帶儒學

管業 舊志

楊家洲舊與民地相連萬曆四十四年知縣蒲秉

權清查入學以贍貧生

舊志

蓮花洲三十餘畝儒學管業

舊志

壇廟

社稷壇縣治北二百步先是社主用石高五尺濶三尺上微尖立于社壇半埋土中近南向北稷不用主洪武十年改埋石主干社稷壇之正中微露其尖仍用木爲神牌而丹漆之祭則設于壇上社神牌居東稷神牌居西俱北向祭畢貯

庫

見會典

建昌縣志

卷之一

建置

二十三

神厨三間 宰牲房三間 庫房三間 水池

一丈七尺濶三尺 鑿于牲房中間

山川壇縣東門城外路北舊壇濱江而隘每山水大發衝嚙其址明成化辛丑知縣鄭惟桓在舊隆道觀築土爲基甃以石建齋宿房三間石門一座周繞以垣遷神主而祭舊制牌位凡三風雷雨之神一境內山川之神一城隍之神一皆南向由南門入不用石主餘與社稷壇同

屋燬

邑厲壇舊在北門內明正德十三年知縣方鐸

北門外西一里壇制與山川社稷同而祭期則在清明中元孟冬朔日也

里社壇各里凡六十四所洪武初立春秋上戊祭

五穀五土之神

鄉厲壇各里與里社同洪武初立清明中元孟冬

祭各境無祀鬼神設城隍位于壇上主之

雷壇金帶坊日中橋

祀風雨雲雷均之有功于民也祀典有風雨無雲雷然屈原

九歌有雲中君今黃冠師禱祈必禮雷神則皆可以義起之古禮祀日月星皆壇風師雨師亦

壇而祀以義起之雷為天神其有壇也亦宜見吳草廬祀雷壇碑其歌詞曰起巖穴兮行蒼冥

建昌縣志

卷之一

建置

二十四

騰騰以上兮遠邇聞聲神之來兮雨入絃擴然大震兮天下驚蘇困蟄兮發屯萌翼元化兮生

萬靈雲收兮日晶神功若無兮藏闕其鳴山共長大兮萬古青成化中南昌人李孜省為

布政司吏犯法匿京師乃從人學雷法因太監梁芳以符錄進遂與芳等相表裏竊朝權掌

通政使司事百官出其門致通顯者甚弘治新政捕治死獄中附識之以為冒瀆天神者之

戒云

城隍廟縣北門內明洪武三年知縣倪恭建正統

十四年知縣潘彞修正殿三間寢殿一間前廳

三間兩廊各三間石亭一座水亭一所廟前田

二畝以供廟祀弘治十七年知縣李如圭重修

作記 康熙乙丑住僧普仁全孫心澄募修

陸文量先生裕成化進士菽園雜記曰城隍之在

祀典古無之後世以高城深池捍外衛內必有神主之始有祠祀惑于理者衣冠而肖之加以爵號前代因襲其來久矣明興各處城隍神皆有監察司民之封府曰公州曰侯縣曰伯且有制詞其後乃正祀典詔天下城隍神主止稱某府城隍之神某州城隍之神某縣城隍之神前時爵號一切革去未幾又令

各處城隍廟內屏去閒雜神道城隍神舊有泥塑像在正中者以水浸泥在正中壁上卻畫雲山圖神像在兩廊者泥在兩廊壁上此令一行千古之陋習爲之一新

關王殿

- 一 在東門外演武亭
- 一 在水門內
- 一 在縣治東康熙九年知縣李道泰重葺春秋祭祀傍置小店二間收費以助祭典之半

公署

察院行臺縣東一里知縣陳克勤修順治三年
廢

布政分司縣東一里明正統十年知縣潘燧建
萬曆戊寅年知縣費价重建

國朝康熙十二年知縣李道泰重修

按察分司在布政分司左明嘉靖間知縣張璠
建

九江道縣東一里明洪武三十年知縣楊仲建

建昌縣志

卷之一

建置

二十六

崇禎十五年廢

稅課司日中橋下地名務巷洪武元年建今廢
僧會司洪武五年設于大果寺

道會司洪武十五年設于隆道觀

醫學在日中橋洪武十六年知縣馮敬建
今廢

陰陽學在日中橋洪武十八年知縣馮以挈

壺所改建成化十八年知縣鄭惟桓
修
今廢

教場 舊址在東門外瀕河隆慶間
萬曆

間知縣費价改進十丈爲演武場
廳
舊志

蘆潭巡檢司在蘆潭鎮

後裁

三洪灘營房康熙二年知縣馬驊搜獲山盜申請立汛

養濟院舊在城東一里今改北門內五十步門屋一座廳三間孤老舍二十四間額定孤貧六十名有缺隨補歲給薪米布帛死令收殮葬之漏澤園北門外二里

倉廩

養民之道莫先于勸農救荒之策莫善于儲粟

建昌縣志

卷之一

建置

二十七

明興邑之戶口日繁而民無餓莩非盡有年也其備預矣于時比屋慕義動捐百千吏良而政舉不從可知乎修志者嘗表章之只今斷爛之餘猶存一二而忍令放失哉晝而存之

明

存留倉縣治東北五十步洪武五年知縣倪恭置

預備倉四洪武二十三年知縣郭燾建本年奉戶部勘合差人材王德昌等齎鈔到縣糴

積各倉設老人一名司其出納豐則收糴歉則濟民有司時加巡視景泰六年添設存留倉并義倉勸民出穀儲積以廣賑給

永樂年

東倉在豐安鄉儲穀二千九百二十四石
西倉在德政鄉儲穀三千五十七石四斗
南倉在安義鄉儲穀三千七百七十一石三斗
北倉在歸義鄉儲穀三千五十五石

景泰七年

建昌縣志

卷之一

建置

二十八

東倉儲穀四千三百四十九石五斗
西倉儲穀二千一百七十五石三斗
南倉儲穀一萬一千四百五十石五斗
北倉儲穀五千五百三石四斗
存留倉儲穀一萬二千六百一十八石五斗
昇仙鄉義倉儲穀三千七百五十六石三斗
蘆潭鎮義倉儲穀九百二十四石四斗
儒學倉在本縣一座三間每間約儲米六百石
輸穀自六百石以上至千二百石上聞表廬冠帶

復其身

胡孟哲 城內人

楊素觀 安義里人

楊應起 之子

胡緝定 孟哲之子

黃伯琛 南昌里人

鄒景雲 新城里人

李永端 新城里人

周威文 豐安里人

淦節厚 永豐里人

杜世文 安義里人

李英 昇仙里人

陳炁 豐安里人

彭希仁 甘泉宋進士 伴之

魏濟 甘泉里人

宋弘可 控奎里人

趙希明 鈞臺里人 二次輸穀

李廷瓚 新城里人

呂彥中 歸義里人

呂均輝 新城里人

顧鑑 修智里人

龔儼 控奎里人

李成郁 昇仙里人

胡秉常 控奎里人

彭尚文 卜鄰里人

建昌縣志

卷之二 建置

魏勉旃 卜鄰里人

胡元節 控奎里人

彭永文 卜鄰里人

鄒貴泉 新城里人

劉繼州 卜鄰里人

已上各輸穀千餘石見張志後殘缺者無考

已上各倉久廢無存

獄二所

大監在縣儀門內之西以處重罪男囚五間女

囚三間鋪監在譙樓內之東共五間以處輕罪

二監歷年修整完固

坊巷

金帶坊因其地有水流似帶

鼎魁坊宋紹興間爲進士范瑄立

公輔坊爲宋相謝方叔立

館蘇坊爲宋學士蘇軾立

宰輔坊爲元燕公楠立

孝行坊爲唐熊仁瞻立

晝錦坊爲明魏源立

景行坊爲宋李燔立

建昌縣志

卷之一

建置

三十

旌孝坊爲元鄭佛生立

南國 平楚羆宣化石坊日中橋東爲明嘉靖

乙丑進士南京廷評遷湖廣衡州府知府熊

煒立

少司馬石坊日中橋東爲明隆慶辛未進士秦

紳立

盛世科名清朝甲選石坊爲明通縣歷

舉人

信誠坊爲宋胡安定立

權桂坊爲宋王俊民立

進士坊一在縣東五十步爲明成化乙丑科

存德立一在縣西五十步爲天順甲申科袁

鎬立一在縣東一里爲成化甲辰科張楫立

壯志請纓竒謀借箸石坊日中橋東爲萬曆乙

未進士兵部主事奉使朝鮮禦倭陞山東兵

備道徐中素立

上善古心英資異質石坊日中橋東爲明萬曆

丁未進士刑科給事中熊德陽父熊森立

建昌縣志

卷之一

建置

三十一

古城巷 蓑衣巷 錦山巷 鐵輅巷 務巷

石埭巷 居士巷 義井巷 觀背巷 花巷

安定巷 磨下巷 水管巷 水門巷 新巷

鄧家巷 南門巷 趙家巷 南街長巷

小北門巷

舍

公館一所舊在縣東明成化間知縣羅獻建嘉

靖十二年知縣余慶移千總舖之左

今廢

冷舖一在縣治背 一在府館傍

一在錦山巷口 今廢

長亭舖去縣一十里

上遼舖去縣二十里

豐安公館去縣東四十里順治十六年知縣任

天祚建

埕水公館康熙十一季知縣李道泰修

察理舖去縣一十里

淋田舖去縣二十里

灘溪舖去縣三十里

建昌縣志

卷之一

建置

三十二

藕崗舖去縣西二十里

土坪舖去縣四十里

磨崖舖去縣八十里

十里舖去縣北一十里

石井舖去縣二十里

驛南公館去縣三十里順治十六年知府薛所

習建康熙十一年知縣李道泰重修

祠宇

三賢祠北門外奉祀朱紫陽周濂溪胡安定

賢春秋祭祀

胡安定祠

先生名瑗字翼之泰州人少與石介孫復同讀書泰山十年不歸得家書

見平安二字即投之澗中不復覽景祐初同逸更定雅樂范仲淹經畧陝西辟丹州推

官其教授胡州有經義齋治事齋慶曆中興太學下湖州取其法著為令嘉祐初擢太子

中允天章閣侍講仍治大學與孫復不合常

士致仕卒詔賻其家在大學與孫復不合常

相避也程伊川曰凡從安定先生學者醇厚

和易之氣望之可知吳澂曰安定學術之正

于經可謂明矣而未離乎經師也按史及名

臣錄並未嘗設教建昌其安定巷所由祠未

詳

夫子祠宋奉勅建廟于西關外舊儒學東原

讀書處元廢于兵燹明永樂間學道周廣具

題委縣令顧陽和移建于城隍廟右春秋致

祭主事田頊有記通判梁典作銘萬曆間知

縣蒲秉權重修明季祠復燬議重建復又傾

墜移像于文昌閣知縣李道泰題序捐貲仰着

該族重建

孫公生祠公諱光裕詳名宦明萬曆丁巳冬邑

人思其德建祠于東門內起運倉右

蒲公生祠公諱秉權詳名宦祠燬

羅公生祠公諱尚忠學道陸之棋批允諸生呈
請建祠

三烈祠去縣二十里上遼津南明崇禎十七年
爲烈女淦氏同熊芷姑穎姑立

書院

敘曰學者將以神明其德也耳目是其戶牖游
息亦其修藏勿謂心骸可外無以居室爲也夫
百工善事則有居業之肆百年樹人則爲肯構
之堂若彼譏二氏者謂其所築愈崇高而其法

建昌縣志

卷之一

建置

三十四

愈微斯爲媿于屋漏矣故君子慎之志書院

馬融書院去縣二十五里有洗墨池知縣周廣詩
曰漢道逝頽波先生臥竹蘿墨池春草綠絳帳
午風和勝跡今猶在規圖半欲磨伊誰嗣芳胤
好頌玉巖歌今書院廢爲馬融寺

載府志

雷湖書院舊志載縣南一里宋熙寧間進士洪師
民累世同居太祖旌其門曰義門洪氏令有司
作書堂以淑其子孫

李氏山房舊在廬山下李敬子復建于舊儒學東

仰止
門外

修江書院見舊志朱晦翁守黟時邑人遊其門者

建此爲講會之所今廢

清非齋洪龜父作黃庭堅銘曰是是非非智者之別是謂是非謂非直者之發其別也以成自其發也以成它吝其非而不改惟自屈也大人人格君心之非是心術也方寸之間與萬物爲市掃除不涓照用則晷日清其非虛室晰晰

壁陰齋洪駒父作黃山谷有序序曰甥洪芻駒父

建昌縣志

卷之一

建置

三十五

仕爲黃之 正勤其官不素食矣又能愛其餘日以私于學名其所居曰壁陰齋余內喜之曰在官而可以行其私也惟學而已矣爲之作銘銘曰惟道集虛觀我境中年耆典學考道則窮潛聖語道朝聞夕死調高不和千世一土觴豆舞歌不愛其光孰能劬書自憂面牆挾書 吟白駒過隙我以道儻何直尺璧古者寸陰不易千乘之國得道之根則有枝葉務萃絕根安事矜矜惕日者擅苗罪歲者不芸茅勿亟勿遲能

者謂之君子

曠齋洪玉父作黃山谷銘銘曰萬物一家本無
疎親小智彼我與鄰斷斷聞是法音不懼不惑
迺可與之方轂道域至道無域門戶惟空無物
可欲萬竅自風乃卽萬物親疎異同冬裘夏葛
渴汲饒春父慈子孝兄友弟恭占筮筮吉卜龜
龜從子是之學擴而心量遠之大之是謂照
翛然堂洪鴻父作黃山谷銘銘曰詩書環列竹石
陰岑有無言子自鈎其溪穀士挽弓會予心術

敲扑問道慈惠哀恤自公鞅掌退食靜淵東窗
置榻婢蛻翛然

甘棠書院元至元間建明洪武十年趙宗信卽其
阯重建景泰中教諭張湜記

北山義塾明景泰間邑人李誠由監生任溧陽知
縣致仕構義塾以延訓後俊

見張志

遺棠別業趙國貴築邑人知府袁均哲記

石潭書院石潭山下邑人熊德明建結雲錦文
講學造士一時魏科璋行輩出其門

滄生弘濱之別墅也始祀瞿曇像後
奉宋暘之教移像于雲居山而改署其堂曰識
仁蓋祀大程明道先生故本宗宗指而以名堂
云惕講誦之餘友朋弟子鳴磬奏琴投壺雅歌
歌已惕和風 乎比金石振林木也惕于此著
求仁六 一原性二慎修三辨異四窮經五討
古六經世 示門人備見游寓學行
崇本堂在平樂岸聘南昌布衣 嘉顛講李見羅
之學門人熊維翰受業傳書皆名儒秘要

建昌縣志

卷之一

建置

三十七

石菌山房在

鄒竒字簡然建

彈琴賦詩
教訓子弟

薌山書院五呂

遺址生員呂王宸重建

子

閣講學門人呂鵬飛熊宣呂有亨受業呂

國朝甲辰歲宗師三公印洲題曰名世不朽

聚星齋離西關十里逸民熊哲土建劉貞明講學

門人呂袍黃士任熊宣受業

臺閣

建昌故臺庾肩吾建唐歐陽詢藝文類聚有過建
昌故臺詩其于肩吾稱梁詩曰魯國觀遺殿韓

識仁堂儀林滄生弘濱之別墅也始祀瞿曇像後
宋惕之教移像于雲居山而改署其堂曰識
仁蓋祀大程明道先生故本其宗指而以名堂
云惕講誦之餘友朋弟子鳴磬奏琴投壺雅歌
歌已惕和颯颯乎比金石振林木也惕于此著
求仁六編一原性二慎修三辨異四窮經五討
古六經世以示門人備見游寓學行
崇本堂在平樂岸聘南昌布衣涂嘉顯講李見羅
之學門人熊維翰受業傳書皆名儒秘要

建昌縣志

卷之一

建置

三十七

石茵山房在暘嶺生員鄒奇建

臺閣

建昌故臺庾肩吾建唐歐陽詢藝文類聚有過建
昌故臺詩其于肩吾稱梁詩曰魯國觀遺殿韓
城想舊臺仲宣原隰滿子建悲風來夏蓮猶反
植秋窗尙左開圖雲仍溜雨畫水卽生苔及君
歡四望知余悲七哀按肩吾父易南齊高隱士
兄黔婁於陵及肩吾竝仕梁肩吾爲梁太宗度
支尚書其令建昌作臺由梁太清之亂也

志皆云齊庾臺未詳

文昌閣儒學東康熙十年知縣李道泰重修

雲樹閣基在日中橋上明萬曆庚戌知縣張煥建

取杜甫渭北春天樹江東日暮雲之句題額人

多歌咏之

遠明閣基在縣治傍宋元祐元年知縣胡勣建有

詩黃太史有記紹興三年縣尉趙不邇重建教

授陳汝平記

覽翠亭趙希明甘棠人永樂十三季建翰林余鼎

建昌縣志

卷之二

建置終

三十八

記

鶴鳴閣西關外傑然高構士夫遊咏之所

雙瞻閣在文昌閣側明徐中素建今廢

休菴熊士龍建士龍德陽四子鼎革築室于雲居

山之陽鑿池種竹萬頃溪煙